

祖徠集稿

一

57X
20
25

第一

高麗書

祖來集草稿

右小田原藩岡田伯英所藏原出某侯之賜
天保戊戌季冬歸于余所



第一卷

第二卷

第三卷

第四卷

第五卷

第六卷

第七卷

竹溪平文書

同上

同上

校同上

物道竹溪濟書

竹溪校

物道濟書

竹溪校

竹溪

書友

市九
 市十
 市十一
 市十二
 市十三
 市十四
 市十五
 市十六
 市十七
 市十八
 市十九
 市二十

勝之啓書
 葉鳩書
 同上
 田嶋
 物
 中
 田嶋

平文校了
 平文校了
 同上
 平文校了
 同上
 同上
 同上
 平文校了
 彬師錫師
 竹
 同上

市二十一
 市二十二
 市二十三
 市二十四
 市二十五
 市二十六
 市二十七
 市二十八
 市二十九
 市三十

初一葉徒翁
 田嶋
 田嶋
 田嶋
 田嶋
 田嶋
 田嶋
 田嶋
 田嶋
 田嶋

其餘諸子不可的知
 律
 律
 律
 律
 律
 律
 律
 律
 律

烏生八九子端坐秦家桂樹枝
喈我秦氏家有美麗
好女工用雙孔針五色絲
持針爲人刺嫁衣仰視烏
嘆喈喈我顏色即醜勝汝姿
汝飛任意遊遨求妃阿
母生阿女時欲與貴人奇
此女喈我貴人安知阿女
處閨房窈窕安從通青雀
乃在崑崙玄圃中漢天子
尚復得媒介之喈我簫史
仙仙雲霄間弄玉尚復得
追隨之神君乃在竹宮帷
帳中阿母尚得神君語喈
我人民生各各有歡娛愁
苦何須計較早暮

安東平

五首

左約改後
消建三出不

陳

吳中春酒旨甘芬，列我有一石爲郎作別。
土產物微儂，爺所釀餘有三斗爲郎別醬。
青綠金尊以奉故友，不持作好與郎爲壽。
東平劉生太解人情，與郎對酌冀以延齡。

谷

吹烟烟中一點忽，焚赫驚問客星終是僊。

關山月 二首

萬里關山月，不謂似故鄉。故鄉空閨女，獨夜織流黃。
如何機中影，一似塞上霜。
中閨夜夜月，不須照妾顏。顏色看已改，妾夫殊未還。
願將妾心去，憑君照關山。

有所思

冉冉白日徂，坐看庭草滋。朔風吹我裳，嘆息歲暮時。
人生自有老，老至亦何悲。富貴儻爾來，榮名非可持。
置酒高堂上，聊以娛佳期。秦箏間胡笳，嘈雜侑我卮。
酒酣淚如霰，君子有所思。良朋滿四坐，此悲少人知。
當窻織

窈窕當窻織，愴然聽嘆息。窻前楊柳樹，君子所手植。
春風吹成絲，行復何底極。

春江花月夜

人道春江好，春江况月明。林花岸上發，仙桂波中生。

搖動花兼月，影香清且輕。初疑美人面，照見髻花橫。
又訝嫦娥鏡，冶容誰爲情。笑靨脣微啓，百媚盪盈盈。
江月看將上，江潮漸已平。江樹轉璀璨，繚亂雨瓊英。
昔聞月中桂，託根白玉京。縹緲飛仙藥，落水寂無聲。
依稀漢浦女，羅襪波上行。解佩珠徑寸，光彩令人驚。
今我非交甫，惆悵岸雞鳴。江月忽不見，江花無常榮。
唯有江潮水，依舊繞江城。

昭君怨出於陳後主，卑薄不可擬矣。

男子事遠征，異方使人悲。而况漢家女，嫁爲單于妻。
寢處穹廬中，湮酪匪所宜。解髻辮其髮，蒙以貂狗皮。

胡笳來相慰，嘈嘈曷可知。皚皚陰山麓，冥冥瀚海湄。
故鄉不可望，浮雲邈相依。忽眺鴻雁起，中心安能持。
慙生爲異類，徒歎竟爲誰。矢我豕上草，庶以表心期。

四言古一首

倚蘭膝，戾將戍洛陽。城臨發，置酒分十二體。

戾將西征，駕言逡巡。置酒中堂，大會衆賓。九醞泠泠，
百壺吐芬。野魚玄羽，澤雉鱗鱗。爵觥相屬，匏竹雜陳。
戾廼鼓瑟，流眄高旻。影習白雪，窈眇陽春。含宮調角，
和者七人。上薄建安，嘉萬胡倫。染翰興文，一何紛員。

十

思

戾其奚往，清洛之濱。崇城有屹，材官如雲。豈無風流，
帝里右鄰。豈乏晤言，簪纓稱臣。知音者稀，落落孰親。
爲之忼慨，悲歌激塵。滄海忽湧，白日欲淪。戾其往哉，
前車粼粼。千里匪遠，暮月維新。珍重加餐，及瓜之辰。

五言古六首

擬公燕詩 二首

青陽蕩和氣，好鳥嚶其鳴。公子有所思，置酒會友生。
尊壘湛且美，嘉肴紛從橫。座中多貴客，隨風飛羅纓。
摘詞何翩翩，藻思逐翰生。宴酣出歌者，皓齒發清聲。
舞袖綺以繁，餘姿一含情。絃管相間作，鏘鏘和箏箏。

爲樂正如此羽觴行無停華鐙繼白日庶以及芬芳
明月揚素暉臨此西掖垣綺樹鬱相樛枝柯一何鮮
萼萼發朱華紛披映文漣輕焱起中流方舟且留連
飛蓋集高堂張鐙照長筵主人不知疲座客盡豪賢
言論問善謔行栢屬雄篇各有金石響歌之被管絃
激烈令人悲颯沓答潺湲爲此長嘆息嘉會古所難
努力副盛德不醉永無旋

古風二首送琴鶴丹戾之國

常山何差戕白雲何盤桓俄爾盈山谷皎若素與紈
徘徊如有意衆風去復還仙人王子喬相逢何廼難

兔

使君走馬去顧我喟以歎歲月不我與孰能保紅顏
臥閣山之麓拄笏望其巔縹緲發玉笙坐令白日寒
一夜泣仙靈三年來鳳鸞我病不能從涕淚空汎瀾
常山何巖巖松栢何青青鬱鬱千年物其下有茯苓
皎瑩若凝脂宛成白兔形使君有仙骨獲之可長生
廼駕山上雲飄游帝之庭玉女祭以視揖君酌九醞
大張鈞天樂笙管何泠泠群仙醉相藉三年不得醒
能偷發金籙爲我問歲星一謫苦爲爾何以歸玉京
贈古臣哉從府主協衛駿陽城十四韻

五解八首
上同之例
用之六五
芳數從心

白雪一何鮮，白雲一何縹。羨爾忽行邁，振策指其麓。
豈無同行士，千騎道路側。繡弧間畫矛，煌煌耀南服。
子獨慕名山，富貴非所欲。雖有簿書絆，心曠不成束。
時了案牘暇，憑高一寓矚。仙掌如見招，玉女粲曼睅。
爾欲往從之，豈無飛黃鵠。石髓倘或逢，永辭世氛濁。
憐我平生好，每飯在鉅鹿。憑君泚絲筆，題名列仙籙。

古風五解送縣次公還鄉

遠道三千里，所歷鬱糾紛。名山與大澤，況復出白雲。
白雲巧虧蔽，何以能望君。一解君行從五馬，道路有
輝光。君歸還鄉里，妻孥樂一堂。君行誠不惡，居者徒

巔

悲傷二解

我無黃鵠翼，安能從君游。君馬嘶西風，徘徊

徊不能留。人生都如此，誰抱千秋憂。三解

去矣策君

馬，北上岐嶒嶺。回顧中原色，芙蓉高燭天。是我送君

意，皎皎遙爲懸。四解

艤舟廣陵渚，君亦援瑤琴。聽濤

寫妙散微我，孰知音。贈我非此物，何以慰我心。五解

五解

七言古三十一首

浪淘沙詞

青樓十二是儂家，下瞰大江浪淘沙。淘去郎恩海還
淺，淘來郎恩山更加。淘去淘來無定處，誰知儂意亂

如麻

邊馬有歸心

烽火夜連碣石間將軍萬馬下榆關銀鞍錦韉黃金勒驪駱駢駢雲作斑道是毛龍悉龍種天閑馴養承帝寵春來鹵簿向長楊躑躅春風艸茸茸秋日駕臨大液池月明鬢鬢映連漪出聽仰秣偕魚樂法曲韶夜奏時急報犬羊塞上群維皇赫怒掃胡氛併將六郡良家子驅空天閑付將軍將軍騰略故亡論六郡材官皆孟賁况是渥洼本神物要當有意答皇恩金止鼓行遵約束歛蹄結舌氣明肅無鞭纔動電飛

大漢
古漢
誤字

跨

拳

揚踰塊歷都窮逐北揮霍奮迅蹄似霜跳騰百尺蹴名王須臾大漢血翻海汗血誇來轉有光照耀路傍白草紅移師旋向陰山東橫行到處無人影凜冽陰森鳴朔風君不見交河水雪踏成橋風閃大旌凍不飄又不見十萬如蜩指欲墮馬頭亂雪卷毛穎此時何處黃鬚兒采曉胡笳悲似啼有情何肯不淒絕解語便當唱歸兮三軍壯士目相視忽聞萬馬齊聲嘶

麗奴戲馬歌

高句麗北與胡鄰產馬驍騰似其人歲時國王修朝聘廼貢良馬隨國臣從行麗奴善戲馬輕便閑習莫

街

左右
歡

若者西城門外揚子干一時爭觀傾朝野知有法
駕御樓視樓上珠簾半捲起天威不言秋嚴肅千
人萬人屏息竢校尉直前麾白扇電光一閃飛正練
馬疑游龍人訝鳥步驟馳驚極八變邪看挺身立鞍
頭黑風吹檣舟如箭須臾翻轉脚朝天譬諸蚩蚩
樓巔坐臥上論穩牀第倒垂何敢擬渴猿渴猿據樹
樹不動蓬萊纔動位神仙看佗馬飛人自若笠上耽
飄颻颯然七步不容瞬或跨雙龍類比肩八變
將畢天意怡遙聞霹靂隱城雉倏忽冲空人仙去
只見干頭鞍馬馳衆人愕眙都罔措神滅鬼沒那得

知有物翩然出馬腹振衣還向御前趨
熟視是始悟技盡有餘奇贊歎聲不絕賞賜應無貲
麗奴時鞠躬再拜敬致辭賤技何足言文武兩無裨
君不見箕子吾邦祖來賓周室朝京師兩驂兩服乘
殷輅和鸞鏘鏘有威儀舞交衢逐水曲此技何爲乎
此時又不見豐王十萬兵叱吒風雷度大瀛二都決
旬拔八道三月平此技祇云奔亡資難與堂堂陣爭
衡皇和今值仁明君百年昇平息戰氛交鄰柔
遠賴有道不厭航海梯山勤遐方小人伴長官聊以
賤技娛玉顏萊舞巴歛自古賞魚龍曼衍至今觀

何妨千秋又萬載持此長奉 君王歡

風月樓歌爲井君賦

風月之樓何朗廓風月之懷何灑落誰其爲之井伯
明能雅能俗百無惡或可以集繁華子歌風燕月轉
綽約或可以會寂寥人嘯月吟風不落莫繁華子寂
寥人掩映風月各精神總爲東道擅光霽往來集會
不厭頻我也登此積雨餘點埃不起暑氣無有風拂
拂從南來倚檻披襟叫快哉濕雲鬱靄崢嶸失青山
赤阪參差出樓中器皿競鮮明樓外景象鬪蕭瑟是
日同游誰在座高僧快士四五箇華音佞語善戲謔

雅 排 排 塵

唐詩梵偈巧唱和譚罷玉塵助風威揮來綵毫勢欲
飛金叵羅裏吹醺醺石鷓鴣邊送翻翻風月之懷風
月樓雜俗衆賓共自由風月之樓風月懷主人雅俗
兩相諧祇恨主醉客散去只得清風半樓趣緣何更
卜明月夜乞取殘興爲我補

墨牡丹

高僧說法感諸天雨花亂墜從四禪欲墜不墜半空
舞影落文室明窗前時出神通能護持留在紙上長
鮮妍細看非空還非色花王相好具儼然穠艷兼存
瀟灑意富貴何求世俗憐始知魏紫姚黃外別有宗

門臨濟玄

古意

漢家樓臺十二重上有僊人玉芙蓉金莖高竦雲霄外斗杓傾酌天酒濃五侯爭赴君王宴車如流水馬如龍學笙朝伴董雙成聽歌夕宿許飛瓊學笙聽歌無朝夕自是君王醉不醒未報集靈青鳥回已傳昭陽赤鳳來願教聖壽千萬歲臣曹長保此樂哉

贈海西慧通上人歌

海西高僧字慧通衣鉢翩然來于東迢爾索予文二篇再拜出門又乘風瓊浦西可窺月窟旦暮潮汐所

汨沒江城斫額望扶桑日大如輪夜半出中間道路三千里不無名山與大水母乃游歷便成娛去來草率何廼爾自言高祖昭威君靈熒乍發獲其墳少小受學華音者思靖先生有遺文通也雖身在空門寧背祖德忘師恩欲得片辭垂不朽盈耳鳥言誰與論忽聞子名心如火及接子文珠雙顆攜歸夜行烟無虞生平志願成聖果予聞此言三嘆息勇猛若師真難得誰謂釋氏無仁義若師真足縫掖則况又作詩追靈一文章夙成似長吉卽色卽空交精進圓滿莊嚴埃它日祇憾一去杳無蹤鴻飛冥冥白雲重白雲

重冥鴻飛嘆息世上若師稀

倚賴君侯將之國就別予草堂賦此奉餞

古來能爲布衣游魏有信陵今豫侯豫侯况復詩書
敦牛門何必讓夷門門前五柳繫五馬科頭笑視列
侯尊尊酌濁醪焚枯魚細剪於陵園中蔬再拜慙慙
上君壽祝君封內雨隨車方今大旱萬民哭聞君畫
心河內粟仁聞仁政兩不虛天必爲君降福祿河內
從來皇畿南南山佳氣映蔚藍君行絃誦樂民樂穆
如清風日颯颯此時回頭憶小人牛門北地天一垠
白雲渺予亦思君君且盡觴且逡巡

屈子旭七夕惠詩病未克答值此中秋夜深不
寢聊和其韻

中庭視月起彷徨悲歌激烈發衷腸忽動白雲坐相
妒英英南來裛清光我有素琴不肖彈高山流水奈
辰良予懷明德耿不寢迺眷西顧金城傍城傍朱郎
連天起佳人深坐鬱自傷昔時貽我五色錦攬之衣
袖三日香吾欲酬之病未克霜露草木行摧藏安得
仙人雙黃鵠攜君並駕白雲鄉嫦娥譟然授君藥餐
君且保千秋長

題倚蘭侯畫二首

倚蘭公子工畫蘭畫成豈與俗人看一葉一花造化
迹霏拂春風被水石縑素如聞王者香藹藹忽升君
子堂

公子至性聞道早學琴曾傳仲尼操寤寐佩服思古
人名臺自名嗜轉真不然安得畫蘭與操蘭宛然皆
出諸指端

題子寬蒲桃畫子寬與蒲公族食采巖提山

信陵公子素稱豪躑躅山頭城壘高城裏春風吹躑
躅置酒椎牛筵山臯山花恰映衆賓面公子興酣弄
彩毫應是爲憐春酒色忽然畫意到蒲桃

爲鼉玄洲題仇實父畫後

繫馬高樓醉青娥急管繁絃夜如何舞袖欲共月婆
娑皓齒似學織女歌知傾金壘瀉天河于思者誰漁
陽槁恐動飛霞驚綺羅

戲歌與東奧人求書字

東奧之人求吾字吾字豈堪媚時人不識義獻是何
物而况顏柳與藏真草堂花發鶯鳴時對花聽鶯舉
酒卮醉來臥把如椽筆一揮唐人得意詩中間一字
稍可見吾黨年少爭傳玩遂使彼輩來逼迫千方萬
計苦相干老子此時沒奈何疾首蹙頞強掃過寄語

吁汝東奧人持去附之東逝波

秋日海上作

晚買舴艋海上歸回頭海色射人衣
縹緲晶熒總堪羨島嶼歷歷映霏微
鏡裡碧空縠紋生千帆如鳥逐雲飛
雲飛弗已風轉急忽見潮頭散珠璣
雪山崩摧九天落滉漾混茫萬象非
舟子收槳爭上岸叱謂天吳變幻不
可幾天吳喜怒何迺爾世路嶮巖吁
如此總不如歸臥舊廬菊終日飲醪
陶然乎醉而已矣

農事忙

五月六月映山紅南村北村少女風
曾苦雨前爭引

水便喧早後忽橫虹汙邪且省挈壺
汲甌窶猶煩斫竹通總爲在廬身類濤
不緣于役首如蓬參天保障是誰力
縑雪繭絲悉婦功何識冰紈當避暑
漢皇近幸甘泉宮

雲夢歌爲越君瑞

美人夢乘白雲去白雲飄揚不知處
滄海如杯寬崙栗俯視蒼蒼何窮極顧
身儼在帝之傍玉女曼睞挹仙漿鈞天
縹緲廣樂起忽有蓬風激清商吹我誤
墮大澤中洲芷渚蘭杜若叢揭車留夷
足紐裳九疑凝黛映沅相鴻雁嘹嘹鳴
其伍覺來恍然換君腸帝鄉

之樂蕩君志開口至今發天香雲邪夢邪何廼爾鳴
乎大澤之名不可忘我爲作誦題君堂

謝墨君微

海西才子弄弱翰戲向扇頭試作蘭墨花墨葉宛可
觀清風清香六月寒由來書畫無兩般自詫遙贈老
夫看千里淋漓墨未乾出入懷抱照心肝相攜日夜
堪盤桓因憶故人多索處總道愛我孰若汝荷汝兩
次惠我情韃帽禁寒扇禁暑

贈天門上人

天門上人來相別道將西看芙蓉雪芙蓉雪色中天

禦
禦

立君廼仰頭不可及袈裟翩翩過其下却恨此行不
值夏天風泠泠絕頂來采藥仙人安在哉知君沈吟
不忍去處處題詩只徘徊過此以往長安道誰與聽
鶯踏青草千里如髮春三月羨君遠游及未老

贈墨君微歌

古墨子悲滌絲今墨子何所悲家有冰蠶五色繭繰
成苦欲補袞冕越人斷髮竟何往爲之棄置恒怏怏
肆力遂讀書五車摩頂放踵豈有它九流往往莫所
擇兼愛嗟爾過阿瞿近築五言長城出吾學公輸雲
梯術九攻九退無間然歛手逡巡稱爾賢吁嗟哉今

墨子何所悲吾悲今人徒貴耳

酬涌谷麟上人見寄

麟公脩道深山裏俯視山雲涌谷起空翠縹緲結樓臺時復隨風散錦綺錦綺片片中宮商樓臺一一發異香廼知六塵本無礙何翅空中觀色相上人因之寫爲詩無心猶似出岫姿自言山中無所有聊以贈汝知不知

謝盤山君畫

仙臺公子巧弄毫曾作錦雞與蒲桃蒲桃累累解人

壁 欽

醒錦雞飲啄似欲嗥老夫一見嘆妙詣何以能中公子意更畫高山松一株因人千里特相寄謂是遙歡君子德使我錯愕失顏色披緘丹青究蘊藉掛~~碧~~屏顏太落穆參天不失富貴氣恍疑置身秦封側廼知人間雲泥分居氣養體愜所聞公子自是賓大國老夫齷齪非其群山如不寫松如茂持此還當爲壽君

觀張僧繇翠嶂瑤林圖歌

僧繇之畫天下無廼有翠嶂瑤林圖吾藩柳子攜相跡使我三日忘晝舖一縑巖壑宛然出千載丹青煥未渝琳館仙子往往遇秀骨古色處處殊曾聞畫力

求

僅八百中原兵燹不易覓渺渺蓬壺隔弱水護持却
應六丁役跋後元明諸名家書畫賞鑑衆所誇競將
六法贊其妙妙處不傳徒咨嗟憶昔學詩學六朝六
朝舊麗猶可肖祇有一種矜貴色想見烏衣公子標
開元英邁發露盡卒使雅道傷輕俊義獻風流還蘊
藉歐顏以往皆後進始知文章與書畫世世一解下
一解所以吾師孔夫子好古~~求~~古灰乃已

送海上人還崎陽歌

雨雨風風三春暮黃鸝百轉花辭樹夢寐神飛不可
住焚香坐誦遠游賦忽想緣山海閤黎袈裟飄飄去

何之白足由來泥不染擲杯可以渡渺瀰下界衆生
仰頭看金策冷冷響雲端名山大川頃刻過三千里
程總無難自道崎陽是我宮孤島斗懸大海中濤靜
遙見飛鳥影天外千帆問日東日東佛法今衰惡大
道七裂如瓜削昔在阿難傳侏離什契粗鹵不知學
海師淹貫仲尼籍旁通九丘與八索願以左氏司馬
文新譚梵夾婉述作物子聞之笑相戲是君家事非
吾事君去大修人天供天竺高僧倘相逢爲問須彌
優曇鉢其如日東芙蓉峰

贈于士茹

試

洛陽復見賈生才今日吳公安在哉九重宮闕連天
起公子王孫滾滾來四望青山徒突兀文章千歲落
塵埃誰其所使室町氏坑士焚經何得似君乃著書
欲過秦知君才調本無倫西歸君去過湘水試問何
人似楚臣

予素不知佛法爲玄海戲學浮屠語題蕭鳴草
後

支那高僧本禪師道成十年住長崎長崎紛皆賈販
場唯有曇香往從之細音如髮諸天語一室晤言人
不知忽復大音似雷霆隔海支那諸友聽何人爲傳

蕭鳴草吾受讀之眼頭青出世能作入世語字字總
生蓮花馨笑佗禪徒稱別傳棒偈却受祖師纏一離
一著無休期怒眼攘臂夸己賢何若本公道旣化時
出綺語應世緣

崎陽劉生印歌

印金刀子印金刀往昔斬蛇氣何豪今日漂零無所
用鑄印精工名遂高篆法妙絕薄李斯蔑視秦家傳
國璽千顆萬顆應人求印利不與項何爲惠我一顆
美若玉彫刻宛轉如毛錐我濟十指懸槌似區區毛
錐不爲使不是君家印金刀那得自在能若此君家

事業竟如何君乃日日兀兀過試問文章千秋迹兩
京四百孰仲多

井生侍親西還有悵然之色詩以送之

周南井子侍親旋到日應逢棠棣翩豈不爾思室斯
遠東方一輪海月懸君自赤馬關頭望微茫更隔西
海烟父慈子孝家庭樂明倫館中多英賢餘力學文
是君事目送飛鴻揮五絃詩成但繫飛鴻足縱是千
里却可憐

贈玄海上人

君今脩道在西山西山紅樹想正殷此書到日雲滿

山雪山童子母乃君雲隔東關鐘不聞但知君讀貝
多文

奉觀守山公子菊詩聊成短述併簡子和

公子偏憐楚客餐開宴終日凭玉欄珠履玳簪爭爲
歡中有楚客知不知金華先生嫺楚詞還殊澤畔獨
醒時掇英醺酒酒更美奉卮慙慙上公子公子千秋
長不歿君臣相得能如此熟視靈均難及爾

慙

但徠集卷之一

